

集部

**欽定四庫全書** 

曝書亭集卷五十六至

詳校官庶宣·[王]] 博

格 對 官修撰 臣裁衙事 總校官降調編修臣倉聖縣

火七四車等 四 公孫氏為龍非也龍字子石家 明書亭其 **於院檢討朱異尊撰** 云公孫氏傳易為道 儒者公孫氏居第七

邪所云東者辨堅白異同之能也樂正子與譏其行無 字子東莊子謂惠子曰儒墨楊東與夫子為五果孰是 枝江侯名雖在七十子之列不聞傳易若趙人名龍者 語稱是衛人而北海鄭氏謂是楚人故唐贈黄伯宋贈 同而傳易之公孫氏與鄭大夫字伯石者名姓又同也 師學無友非孔氏門弟子可知及晋書太康二年汲郡 金以口屋人 二篇是則公孫氏傳易之明徵矣蓋子石子秉名姓偶 人不準發魏王家得竹書易五篇公孫段與部陟論易 卷五十

録此以證小司馬索隱之誤 唐律疏義跋

二十三年王几遺訓皇令刊改朕仰遵先旨旁求故實 亂反正恤獄慎刑杜澆弊之源削煩苛之法道臻刑措 乃制太尉揚州都督長孫无忌開府儀同三司李勣尚 唐律疏羲三十卷承徽二年閏月詔曰太宗文皇帝撰

書左僕射張行成光禄侍中高季輔右丞段寶玄太常

少卿令狐德禁吏部侍郎高敬言刑部郎中賈敏行等

飲定四庫全書 ~

曝書中集

此見諸唐大記令者也永徽三年五月記律學未有定 其輕重之宜采其寬猛之要使夫畫一之制簡而易從 爰暨朝賢詳定法律酌前王之令典考列辟之舊章適 天垂之來葉几在羣臣逮於列缶其務審慎稱朕意馬 約法之章疎而不漏再移春月方始勒成是宜頒示普 也按无忌等表進有尚書左僕射于志寧右僕射褚遂 十卷四年十一月上之諂頒行天下此見諸唐會要者 疏宜廣名解律人修義疏使中書門下監定恭撰成三

超五十二

成高季輔令狐徳茶高敬言或疑纂修諸臣姓名不符 改 記令開載乃總修律令格式之 員而表進於二年之 士逵大理評事曹惠果律學博士司馬銳等而無張行 來濟辛沒將尚書右丞劉熊客潁州刺史裴弘獻刑部 良中書令柳奭刑部尚書唐臨守黄門韓瑗中書侍郎 飲定四庫全書人 公不與纂修義疏故爾唐代遺書傳抄多致殘闕是編 後所列縣令丞博士蓋係召至解律人若張高令狐四 郎中王懷恪盩厔縣令董雄大理丞路立始平縣丞石 明古京集

士余資姓氏信為完書世有好事君子雕録以行做於 前有元素定四年江西儒學提舉柳實序又附江西行 著録二卷云皇朝傅霖撰或人為之注予所録卷與晁 氏同古林曹氏藏本也刑統定於問顯德四年命侍御 有位售章之不愆庶乎復古寬大之條矣 中書省檢校官王元亮釋文末又綴編校考亭書院學 統賊四卷宋史藝文志不知作者晁公武讀書後志 刑統賦解跋

たこり 日本 等所注誤矣霖自題左宣徳郎律學博士未審宋何朝人 **亮復為增注大抵傅都皆宋人而亮則元人也世儒以** 趙序加於長孫无忌等唐律三十卷之前遂疑疏義為霖 括之前有延祐三年趙孟頫序言其大略其後益都王 要古作賦而自解其義又東原都某每聯撰四言歌以 當日言律令格式之煩期於省文達理成書霖乃撮其 史張湜太子右庶子劇可久等十人編集兵部尚書張 **昭遠看詳進星凡二十一卷實儀重加詳定増益九卷** 眼書亭集

金月四月月日 故秘不以示人依漢藝文志當入之縱橫家按漢志縱 長短經十卷唐趙挺撰挺梓州鹽亭人嘗注關朗易傳 横家多至一百七篇而隋志止二部唐志四部此六十 王霸機權正變之術其第十卷相傳載陰謀捭闔之說 李白師事之孫光憲稱其夫婦俱有隱操而是編專論 四篇宜著録不應混入於雜家也 東宫備覽跋 短經跋

嘉定二年三月除校書即仍無實録院檢討模之歷官 次定四車全雪 轧道三年模至慶元初始釋褐歷嘉春開禧嘉定不應 倫序見於中與館閣續録者如此今觀告詞進表乃合 史院編修官開禧三年二月以正字無實録院檢討官 榜進士嘉泰二年八月除正字三年二月以正字魚園 修官陳模進模字中行泉州永春人慶元二年鄒應龍 東官備覧六卷宗迪功郎守秘書省正字無國史院編 先後銜具書之又無莊文府教授或疑莊文太子薨於 曜書亭集

職官未詳因書於此 授設於紹興三十年時孝宗為建王光宗與莊文太子 尚設教授以予考李心傳朝野雜記皇太子宫小學教 卒於淳熙七年有子柄存設有府教授而莊文太子有 生以百名為額在學者皆南宫北宅子孫若親賢宅近 魏惠憲王旨就傅矣先是十四年春建宗學於臨安學 二子挺措府亦得設教授模以館職逐無之爾宋史志 屬則別置教授以館職無不在宗子之列故魏惠憲王

車上東門行載樂府雜曲歌解其餘六首王臺不録就 苦夜長何不東燭游則西門行古辭也古辭夫為樂為 文選本第十五首而論生年不滿百長懷千載憂畫短 一詩十九首以徐陵王臺新詠勘之校乗詩居其八至驅 P ~ 17 . 1 1. 1. 1. 1. 樂當及時何能坐愁怫鬱當復待來茲而文選更之曰為 昭明文選初成聞有千卷既而略其無穢集其清英存 三十卷擇之可謂精矣然入選之文不無偽製所録古 書王臺新詠後

我好四月全書 置十九首中沒枚乗等姓名緊題曰古詩要之皆出文 喬難可與等期裁剪長短句作五言移易其前後雜糅 樂當及時何能待來茲古辭貪財愛惜費但為後世嗤 殆有微意馬劉知幾疑李陵答蘇武書為齊梁文士擬 選樓中諸學士之手也徐陵少任於梁為昭明諸臣後 而文選更之白愚者愛情費但為後世嗤古解自非仙 進不敢明言其非乃别著一書列枚乗姓名還之作者 人王子喬計會壽命難與期而文選更之曰仙人王子 卷五十二

别五言此始鍾嵘詩品亦云建漢李陵始者五言之目 知五言始自枚乗而序所云退傅有在鄉之作降將有 人非是當其時昭明聚書三萬卷大集產儒討論豈不 抑何謬歟然則誦詩論世者宜取王臺並觀毋偏信文 河梁之篇四言五言區以別矣注文選者遂謂河梁之 偽者心不徒勞也已或者以為文選關疑玉臺實之以 非不能辨也的明優禮儒臣容其作偽今文選盛行作 作蘇于瞻疑陵武贈答五言亦後人所擬而統不能辨

欽定四庫全書 本雕刺以行故傳世特多然無鏤板畢工年月以此可 選可爾 辨偽真也 私印又有太倉王氏賜書堂印記是書袁氏衮曾仿宋 北門裴宅印賣蓋宋時蜀牋若是也每本有吳門徐貢 工墨光如漆紙堅緻全書完好序尾識云見在廣都縣 六家注文選六十卷宋崇寧五年鏤板至政和元年畢 宋本六家注文選跋 赐書亭員

大己可見 公司 原書罕親矣類要傳寫雖多記好然大略出於原書未 雜入其中盡失其舊閱之令人生志儲書者多蔵之而 編地部至泥沙石而畢度非完書今世所行者出常熟 售者反覆觀之即處氏北堂書抄也按新唐書志作 康熙已夘七月湖州書賈有以大唐類要百六十卷求 陳禹謨錫玄氏刪補至以貞觀後事及五代十國之書 百七十三卷晁氏讀書後志同而宋志止百六十卷是 大唐類要跋 曝書車集

易得也 號五百家是也昌黎集訓注四十卷外集十卷別集 金员四犀自書 塾亦稱五百家按其實則列名者一百四十八家而已 卷附論語筆解十卷慶元六年春建安魏仲舉刻於家 為千家成申之尚書集解號四百家亡名子播芳文粹 其餘所云新添集注五十家補注五十家廣注五十家 輯書往往以撫采之富誇人若察夢弼杜詩注號 跋五百家昌黎集注 卷五十二

KEDE AND 五百家播芳文粹大全二百卷鬟在都下曾從友人借 僕君實蓋宋槧之最精者惜中間闕三卷後人補抄原 為要務今則守一家之說以為冤園冊其智出麻沙里 刊書者之下矣是書向歲長洲文伯仁家歸吾鄉李太 釋事二十家補音二十家協音十家正誤二十家考異 注已失不可復覩當更訪諸嚴書家 十家殆亦無稽之言爾然當時刊書者知以博學詳說 播芳文粹跋 **曝書亭集** 

繁弨拒石嘉興李符分虎皆以駢體名家諸君悉逝莫 觀患其卷帙混淆無多闕文誤字因置不録歸田後見 金月四月日 鹿魏齊賢仲賢南陽禁禁子實所集具列姓氏凡五百 老眼豁然也卷首有紹熙庚戌序南徐許開作稱係鉅 維松其年華亭錢芳標葆馚吳江葉舒崇元禮錢唐陸 二十家富哉言矣然其所録不盡皆醇惜吾友宜興陳 江浙儲藏家間有之類皆抄寫丙戊三月留徐學使章 花谿别紫觀宋軟本始快於心若風庭之禁盡婦而 卷五

夷沖祐觀著有志隱類葉見趙希弁讀書附志 間即通夕痛飲翌日視之卒矣王明清揮麈後録載之 靖康中蘇叔黨以真定体赴官次河北為賊所脅松黨 為削其繁而舉其要也開字仲啓以中奉大夫提舉武 語賊曰若知世有蘇內翰乎吾即其子肯隨若求活草 子合而觀之不處其父矣放東坡先生以微宗建中 而見以道志其墓稱以暴疾卒於鎮陽釋其文可云孝 書見以道撰蘇叔黨墓志後

欽定四庫全書 國元年卒已卒於常州先生既卒而蔡京由尚書左丞 進左右僕射察下旋知極密院事自崇寧元年迄於四 年籍黨人榜朝堂定上書人上中下六都等責逐責降 諸州三刻石於文徳殿門帝既親書之京復自書領之 回先臣何罪禁誦其文章滅其尺牘於是先生遺文手 前於中哉惟因梁師成自言為東坡出子嘗想於裕陵 天下是時权黨潜身殺遇之不給寧有富貴利達之念 而又編管子弟不許到闕一刻石於端禮門再刻石於 卷五十二

昆弟遇叔黨豈有業為兄弟而又降稱乾兒之理此助 洛攻蜀者謗之貝錦南箕尚論者不可不白其寃也 成自居氧兒夫師成既以東坡為父稱曰先臣則必以 云嘻笑謔浪節縣存馬是巴乃毀之者謂叔黨諂事師 初弛後雖得入京師借訴詣以玩世未嘗薰染以道所 始稍稍復出叔黨之不忍顯絕師成者此也然黨禁 謝幼槃與兄無逸並負詩名吕居仁集江西詩 竹友集跋 **深善** 

傳甚罕謝布政在杭抄之內府在杭收藏宋人集頗富 卷一曰七卷蓋七卷者詩而十卷者合文言之是集流 其似謝宣城亦不類也書録解題两載竹友集一日十 父韓子蒼晁叔用吕居仁僅六家得此而七馬 其副詩派遺集傳者無幾予所儲陳無已饒德操洪玉 次友典福建庚午鄉試抄得之予見而令楷書生亟録 二十五人幼槃其一矣然其詩實與涪翁別居仁又稱 近多散失惟此係其手書子孫裝界成册平湖陸編修 × The second second 卷五十二

多定匹庫全書

詩家比喻六義之一偶然為之可酮陸務觀劒南集句 書劒南集後

在家狂道士心如退院病禪師心似春鴻寧久住身如 秋扇合長捐身似敗恭難後振心如病木已中空心似 村舍強名官跡似春笋本無柢心如秋燕不安巣身似 法稠疊讀之終卷令人生憎若身似老僧猶有髮門

大臣可見在時 湖嶺罷参僧心似游僧思遠道身如敗將陷重圍居似

**曝書亭集** 

枯獒空向日身如病櫟孰知年家似江淮歸業戸身如

太古大集居間似苔磯垂釣叟淡如村院罷參僧嫻 窮邊荒馬驛身如深谷老桑門人 金岁口 堂僧欲動時身如病木驚秋早心似鰥魚怯夜長心如 舟 老雞頻失旦袁如蠹業早知秋喜似繫囚聞縱掉快 澤國春歸雁身似雲堂旦遇僧身如巢熊臨歸 粥濃知社到餅如盤大喜秋成難似車登蛇退鎖險 疥癢得爬掻閒似白鷗雖自足健如黃犢已無緣酒 過馬當時月似有情迎馬見鶯如相識向人鳴心 Ē Andhum 起五 † (似登仙惟火食俗 目心 山口

瑞露零仙掌清似寒水貯玉壺衰如蠹葉秋先覺愁似 **柴桑乞食身勇如持虎但堪笑學似累養那易成異如** 瓜牛僅有廬心如老馬雖知路身似鳴蛙不屬官身如 老驥長千里身似春蠶已再眠身如海熊不逢社家似 鰥魚夜不眠樂如逐覓牽黃犬快似麾兵卷白波壁如 長假容居里官似分司不限年瘦如飯顆吟詩面飢似 孤雲任去留心如脫穽奔林鹿迹似還山不雨雲思如 病鶴長停料心似山僧已棄家心如頑石忘榮辱身似

次足四軍人馬 图

曝書车集

鑪峯鎖暮雲雲如山壞長空黑風似潮回萬木傾雨 合之兩傷者也子友三原孫枝蔚豹人徵入都不願分 對難以悉數就中非無佳句此陸平原所云離之雙美 新豐不直錢雁如著意頻騰枕月似知愁故入門蠶如 梅子初黄日水似桃花欲動時花如上花長成市酒似 龜筴難占卜瓦似魚鱗不接連路如劒閣逢秋雨 黑蟻桑生後秧似青針水滿時餘詩膏膝用如似字作 まり Ĭ. >禄賦詩云身如橘柚病於北心似鷓鴣飛向南 Middle 卷五十二 山 如

存三百首既為作序而江陰王逢吳興錢鼎亦序之集 大雅集十卷天台賴良米擇凡二千餘篇楊庶夫點定 **嬿務觀太熟魯直太生生者流為蕭東夫熟者降為楊 顧謹中入太學詩則渋武中從而補綴者也良字善卿** 中所收皆元人其後間有仕於明者第六卷載林洵送 有識者憐之此偶然作爾邇者詩人多舍唐學宋予當 廷秀蕭不傳而楊傳效之者何異海畔逐臭之夫邪 賴良大雅集跋 5

多定匹庫全書 山人 非完書矣是集為吾鄉李太僕君實紫桃軒藏本康熙 **周盛日删詩又是喪周餘二語得其槩矣** 丁丑予購得之稽諸竹癬丹崖清江全室集多有與仲 二十四人詩七十六首册末宜有仲遠題識而今亡之 右敦交集一册上虞魏仲遠輯其友酬和之詩也作者 赤城續志不書其姓氏出處顯晦不可得而知繹席 序盖曾教授松江云倪元鎮贈良詩云陳詩音在 書敦交集後 卷五十二 . . . . . . . . . .

延云 其名按宋學士濂為仲遠作見山棲記乃知其人名壽 淇也其居邑西夏蓋湖上伏龍山之下顧郡縣志俱佚 竹深記稱會稽之地多竹蓋物有所宜猶衞之左泉右 遠昆弟贈答詩仲遠父處士明叔預卜瑩兆於福祈山 古亭元章亦有筠深軒長歌季潭則有短歌清江為作 之陽結廬其下名福源精舍處敬為之作賛又為題尚 梅卷李氏明正音跋

按察司僉事曾刊是編以行惜今之雕本流傳者寡矣 不見其睫也景孟曾孫儒烈嘉靖丁未進士歷官福建 即景孟詩亦遺之鄉人有著述莫為之傳是猶目治而 **德維新陳善敬佐李澄若淵往予輯詩綜悉無從米报** 傳是編所録多嘉興人作若沈鎰孟鈞陶瑾廷壁朱孟 高宗遠皆有詩名季衡有西溪集孟豬有南莊集均不 進士知莆田縣事其父季衡公平世父孟瑜仲璣兄景 明正音七卷海监李景孟宗浩選本景孟中景泰甲戊 欽定四庫全書

恒見流傳惟此而已明共入大都學士走報思寺俯身 雲林集二卷元翰林學士承旨危素太樸之詩葛邏禄 歲在戊子閏月竹坨八十翁桑尊識 入井寺僧大梓挽出之謂曰國史非公莫知公死是死 **迺賢易之編而虞集伯生序之者也太樸以文名詩不** 跋危氏雲林集

大己日日 白生

國之史也學士由是不死世傳明太祖聞學士履辞出

之守余闕祠按吾鄉貝助教瓊有送危於隱赴安慶教

緊者产集

土

去梔字是集發雕於後至元三年蓋學士入明後續作 言也於隱曾共歐陽佑日後黃盅輩来書北平載記脫 康東陽間洪武初官國子監助教有古今詩六卷拾遺 錢塘李賹宗表元季結草閣居北闋門外既而避地永 詩文均失傳矣 衝命守祠特其子於憾教授安慶好事者遂傳會有是 授序稱洪武三年識公於京師未幾公卒則學士未當 無以口尼西書 跋草閣集

西 大で17 mm 2.4.5 削去之是何心哉 **所云山陰柳家女也施宿會稽志云柳姑廟在山陰縣** 有梅花船繁在鑑湖柳姑之廟前柳姑者疑即沈約詩 舉其姓氏者可歎也集中題徐原父畫梅歌云尋常更 聳高奔逸堪與劉伯温高季迪 界足而今之杭人未有 一卷天台徐大章盛稱之金華朱伯清序之觀其長篇 十里前臨鏡湖湖山勝絕處其後修府志者乃遂 跋釣虌集 職者等人

昔為海上釣鳌客今作山中飲虎人飲之為言食葬也 中而人末有表其微者其後死於虎王達善輓以詩云 歸隱華專九峰間自號釣舊客長陵師起北平作良吳 以食箪食弊人也九峰無虎將毋靖難之後有飤之者 吳江陶振子昌洪武中任本縣儒學訓導改安化教諭 怒心甚矣草除詩文稍有思諱者悉焚奪唯是歌存集 王濞歌感慨悲壯意當日定流播於燕王聞之深怨私 多坑四母金書 甚五十二. してい ニーニー 仙諸樓帝又賜以御製三詩此洪武丙子歲事建文四 清戴公德異張公信事偕游南北市來寫重譯鶴鳴醉 音響鏗鏘帝覽之稱歎因命與劉公三吾許公觀景公 與夫鄰境之情形無述東人感化之意既成精華炳蔚 之由道塗經過之所次之以本國離合之勢山河之勝 優禮待之賜衣賜食爰命賦詩陽村先之以本國廢與 高麗秀才權近字思叔別字陽村洪武中至南京高皇 高麗權秀才應制集跋 原本語言一種

言於衆曰吾衙門非畫院乃容畫匠處此何孔目元朗 陸顒番易祝孟獻題詩其後馬陽村賜游酒樓實録未 翰林史官兵部主事金陵端木孝思均為作序而淮南 版以行於是嘉靖大夫藝文館提學國人李詹暨奉使 年春朝鮮恭定王李芳遠令知申事朴錫下議政府鏤 文徵仲待諂翰林相傳為明山學士及楊方城所寫昌 之載予所見應制集則天順元年朝鮮本也 **多灾匹痒全書** 書姚學士明山存黨後

章丘李中麓富於藏書特遣其子就學可謂敏於好古 **叢說述之而曰二人只會中狀元更無餘物衡山長在** 平爵禄之上其傾倒亦至矣然則元朗所述乃誑語耳 快論然明山嘗與孫太初薛君采髙子業相唱和且聞 金華吳少君詩說謊定推何太史而後之論者偏信其 序比之唐元魯山宋孫明復謂榮出於科目之外貴加 者即徵仲去官日躬送至張家灣賦十詩贈別無為作 天地間今世豈更有道著姚沫楊維聰者邪聞者以為

宅是歲兵起舟石從其父五經進士浮海入越轉徙漳 五楹子置席硯鴨脚樹下年十七為贅壻乃遷馬氏之 左羽陸英一次友暨第五兄夏士悉中表兄弟也書屋 欽定四庫全書 子童稚日就整於譚氏之居先後共學者六人譚舟石 說皎皎素絲其可染乎 書狷石居遺集後

合合者又離或出或處六十年來五人奄逝存者惟子

州左羽避居於泖二陸暨子兄弟各不相聞既而離者

常熟婺源樂城三縣遷南共部主事歷員外郎升福建 んないりゅんける 試畢題數行裹原書復之関人語曰來一封去兩封以 省親伊寄食旅店中不許入厮有投私書者縣不發函 政卒於官思陵即阼卹以死勤事諸臣特贈太僕寺卿 布政司參議提督學政轉山東按察副使以布政司參 字聖俞萬思甲午舉浙江鄉試第一後八年中進士知 公之試士也其文不假一人寫目必手自甄綜雖伯子 巳|爾暇覽狷石居遺集是為舟石左羽之王父諱昌言 緊書亭集

縛將刺刀馬俘傳官軍至賊黨置之去見有吳权手獨 報不在遇以國士而始有知已之感也舟石諱吉恐官 食導客喻鎮乃歸觀於此而信持領之公子孫必食其 曩為諸生歲試譚公列其名二等吾師乎其子還治酒 譚學使乎對曰吾祖也娶遽前釋縛蓋賊渠之父自言 行呼之求救娶問客子何來答 以浙人叟曰客知浙有 巴丑冬攜其宅眷由琯溪之漳遇賊於山騰主僕遭急 為不信視郵筒蓋視學三年鬚鬚盡白舟石語予眾在

金月口居有重

17 1.1 Just 21 1.1 1.1 至登州太守英一 父丧戴封以伯父西鄂長楊弼以伯母繁陽令楊君以 叔父上虞長度尚以從父渤海王即中劉衡以兄思善 東漢風俗之厚期功之喪咸得葉官持服如賈逵以祖 台試博學宏詞之士六人者舟石次友暨予居其三云 承祖癊中書科中書舎人康熙巳未 印給事中次友諱某内閣學士禮部侍郎夏士諱桑點 **書曼寄軒集後** 諱世楷思州太守左羽諱瑄工科掌 學書车集

書於禮樂志者 持服德陵允馬當時典禮者不以為遇斯國史所當附 今仲定以姊王純以妹馬融以兄子皆以憂棄官輕舉 妹喪自免作歸去來辭自是而後古之道莫之行也先 伯祖君輿公掌銓東曹聞先文恪公之訃請於朝乞歸 至晋而嵇紹拜徐州刺史以長子喪去職陶潛以程氏 金贞四月五十 相楊著以從兄太常丞熊玄槐里令曹全以弟廣平 摭言足本跋

J. 1 ... 1.1. 鑑誠録十卷後蜀人何光遠輝夫撰見公武郡齊讀 徐電發近録堂村相國所藏與此本略同當就其校讎 也卷尾有柯山鄭昉跋稱嘉定辛未刊於宜春郡吳江 大理識後代得聞其遺制奈流傳者寡又為末學所删 譌字發雕馬 **唐重科目舉措分殊有國史未具折者籍王氏摭言小** 存不及半是編一十五卷獲之京師慈仁寺集乃足本 書鑑誡録後 Ē

藏崑山徐氏晋江黄氏從予借抄其書稍稍流傳於世 **北牕炙輠二卷宋施彦執編予得之海鹽陳琠少典昕** 生貽上愛之曽手録一部 度序今覽基書多載可笑詩文直小説家爾每條以三 雕足本惟劉序失之吾鄉墨林項氏藏書也濟南王先 字標目與蘇點杜陽雜編略同是册猶宋輕卷首題重 後志稱纂輯唐以來君臣事跡可為世鑒者前有劉曦 書北牕炙輠後

多灰四库全書

|篇子韶之門人郎曄編横浦集附之卷末今海昌志人 蕭臺公餘詞一卷予所藏有之 物莫有舉其姓氏者矣進道名述堯張孝祥榜進士有 友者彦執及姚進道葉先覺也彦執當者孟子發題 而殁子韶以文祭之云生平朋友不過四人姚葉先亡 公繼又去其和彦執詩云環顧天下間四海惟三友三 ,彦執諱德操海昌人張子 韶之友也生不婚官病廢 劉豫事迹

世是直以書生目之矣此事迹所未載附書於後噫豫 |以女妻之資籍甚厚及生二子以麟角名之或者謂 住氣尚看書帶草碧色映階砌空餘一字詠流播傳 白龍現婦翁家大鏡中但無鱗與角耳後翁亦見此乃 子長豫當大貴後果然憚詩有云公昔此讀書落鬱見 見王惲秋澗集惲述陳教授言豫未貴時一日顧見一 祖堂在阜城縣南十二里元初尚謂之御莊石馬存馬 劉豫事亦一卷不知能氏所輯予抄自倭國曹氏按豫

欽定四庫全書

墓銘舉例四卷長洲王行止仲編先以唐韓退之李習 子瞻陳無已黃魯直陳瑩中見無谷張文潛朱元晦吕 之柳子厚次以宋歐陽永叔尹師魯曾子固王介甫蘇 石例而補其闕矣是書未見雕本抄自無錫秦氏竊意 伯恭凡一十五家之文舉以為例足以續蒼厓潘氏金 其書亦足為後鑒也 叛臣其書可以不録然安禄山事迹姚汝能述之存 書王氏墓銘舉例後

and and a series

**曝書亭**集

銀分四庫有量 能為也 體例匪一宜用止仲之法舉而處列之惜乎予老矣不 墓銘莫盛於東漢都陽洪氏所輯隸釋隸續其文其銘

跋 沿溪詩話

而八 恐溪詩話十卷宋黄徹常明 撰書録解題謂是莆田人 関通志則云部武人舉紹與十五年進士 始家本

莆田而占籍部武者也編中持論多本少陵自言官辰

沅逾年 顧志州郡官師者不載姓氏集亦失傳其送弟

大心可且心地 歐陽永叔厭薄之一變而尚真率蘇子瞻尤以流麗見 秀賞識當引以代草牋奏書記其所撰三松集世罕流 謂升堂入室之選矣廬陵王子俊才臣為周子充楊廷 長於是汪彦章擅此名家鎔鑄六經諸史以成對偶可 宋人駢語其初率仿楊億劉筠體無逸出四字六字者 詩句云就舎勿令人避席過江莫與馬同船語淺情真 不失風雅之古矣 格蘇四六跋 眼哲亭保 Ī

容華充華此仿局官之九嬪也北史后妃傅有正華 宮官之設見於周官見於戴記漢魏置貴嬪夫人此仿 傳予抄得宋本格齊四六計一百二首愛其由中而發 金河巴居有 則修訓曜儀明淑芳華敬婉昭華光正昭寧貞範弘徽 周官之三夫人也淑妃淑媛淑儀修華修容修儀婕妤 漸近自然無組織之迹斯則彦章之亞也 和徳弘猷茂光明信静訓曜徳廣訓暉範敬訓芳猷婉 書王司絲宮詞後 卷五十二

**豔妖妙範暉章敬茂静肅瓊章務華慎儀妙儀明懿崇** 儀崇敬修敬承開昭容麗儀開華思柔媛光懷德良媛 穆儀修禮昭慎貞媛肅閏敬順柔華昭順敬寧明訓 婉英範懷慎修媛良則瑶章訓成潤儀寧訓淑懿柔則 芳娇貞慎明豔真穆修範肅容茂儀英淑弘豔正信凝 明麗則婉儀彭媛修開修静弘慎豔光漪容徽淑秀儀 光茂德貞懿曜光貞凝光範令儀內範穆閨婉徳明婉 華明範體儀暉則敬信此仿周官之二十七世婦也穆 嘅 書字集 卖

人己日臣在

食之屬有司假司配司樂司供尚寢之屬有司設司與 籍司樂司質司賛尚服之屬有司寶司儀司仗司節 之事凡出納文籍皆印署之付內史監牒移於外局有 淑待茂範良信點華微城肅儀妙則此仿周官之八十 四司尚宫之屬有司紀司言司簿司聞尚儀之屬有司 **曷曰尚宮尚儀尚服尚食尚寢尚功掌以宮正總六曷** 金分四月白聖 司死司燈尚功之屬有司製司軫司絲司計司絲掌儲 御女也唐宋以來参合損益不廢其名明初定設六 卷五十二

藏段及者也官設於洪武五年王氏家南海河南村永 大己日日日日 安皇后助者雖存女秀才女史官空名恒罰提鈴警夜 達惡已貫盈至魏忠賢攬政昵一客氏深宫更無為懿 阿之訓動有環珮之響內無出聞之言權無私弱之授 職各有典司后正位乎內夫人嬪御交贅陰教居有保 樂二年選入官命與權妃同華辭曰妾嫠婦也安敢充 法至善矣其後宮官罷設奄寺乃得橫行王振汪直劉 下陳哉帝重之許歸嗚呼開創之主宫中府中設司分 賺書亭集 ŧ

**歲於大瑞之前乎** 舊章不廢禕衣褕翟終約貂蟬雅雅肅南處稱九千 **监軍則養冠賊至則開門貼禍之烈一至於此使女官** 多以口及公司 道索所藏宋江陰軍乾明院五百羅漢名號鏤板附釋 杭州淨怒寺五百羅漢塑像自宋有之曹太尉勛記之 而宫官大抵皆為奄寺之菜戶矣外而稅礦内而批 矣特其名梵夾不具載同里高念祖以其大父工部, 書五百羅漢名記後 整五十二 紅

一藏之後按佛書諾俱那與其徒八百衆居震旦國五百 次之四重全 百人也 居天台三百居鴈宕故梁克家三山志懷安大中寺有 八百羅漢像太尉南渡僑居赤城宜止及天台石橋五 夭

曝書亭集卷五十二					ヨラセルハー
					表五十二
:	 	energy of			

**欽定四車全書** 十九字晋右將軍會稽內史王羲之書今藏宛平孫氏 欽定四庫全書 羲之書古今獨絕世人得雙鉤及傳摹石本爭以為寶 裹鮓味住一一致君所須可示勿難當以語虞令凡 跋十二 曝書亭集卷五十三 裹鮓帖跋 聯名字集 翰林院檢討朱縣尊揆

宋南廊庫經手入郭墨印記是時元中書省檄諭中外 况真蹟乎是書南宋藏之内府元兵輦以入熊前有亡 萬歲通天帖一卷用白麻紙雙鉤書勾法精妙鋒神 可定真蹟非謬君子觀於是數子昂以王孫仕元其有 以示不臣者然卷後有米友仁跋及趙子昻諸人圖書 媤於南廊庫經手人多矣 江南既平宋宜曰亡宋而斯人遂直書亡宋又隱其名 書萬歲通天帖舊事

蓋秘府儲藏故罕題識第有宋高宗用小壓其後出珂 奪之不仁乃命善書者廓填成卷仍命方慶正書標二 世手蹟得二十八人書取而玩之謂曰此卿家世守朕 子長家子長諱篤壽中嘉靖壬戌進士入詞林性好厳 張雨王鏊文徴明跋者四人而已是卷向臧鄉先生項 十八人官世設九實觀於武成殿而以墨蹟卷還方慶 備而用墨濃淡不露纖痕正如一筆獨寫識者謂非薛 **稷鍾紹京不能洵墨寶也相傳武后從王方慶索其先** 

大三日日人による

曝書车集

實擊不已如子京所與值償馬取以歸其友爱若是子 書見松冊報令小胥傳抄儲之舎北萬卷樓其季弟子 京子六人無一達者子長子徳楨萬歷丙戌進士夢原 京以善治生産富能鑒別古人書畫金石文玩物所居 銘心絕品可以霽心悅目者乎子京出其價浮者子長 **偵諸小童小童告以實子長過而問曰弟近收書畫有** 交易既退予價或浮輒悔至憂形於色罷飯不敢子長 天籟閣坐質庫估價海内珍與十九多歸之顀嗇於財

金好四月有書

Ale. 10 und habin 懷素亞栖皆有草書千文是卷書法矜竒有驚蛇入草 姑恒得縱觀久之祖姑沒項氏日貧嗣子遂售於人轉 萬思已未進士德楨子鼎鼓萬思辛丑進士聲國崇禎 甲戌進士鄉人以為厚德之報也聲國字仲展除知雅 長物盡失惟此卷 納諸枕中亂定依然完好子每諗祖 州事卒於京師予祖姑歸馬乙酉之亂祖姑避地深村 入勢家過眼雲烟不復再覩矣 跋草書千文 聯書序集

右迎鑾七賦一卷宋曹太尉勛奉記迎道君梓宫及題 銀灯巴屋有量 意匪特書法通神纤想見展製筆之妙 真宗以後廟諱直書當屬宋初墨蹟疑是南徽宣義大 猛燒吹煙之勢中間更眺為瞭更殷為商更匡為輔而 浯翁試李展筆作書有如張顯熊醉中髮觀其曲折如 師夢英筆也 書曹太尉勛迎鑾七賦後 書黄山谷試李展筆真蹟卷

都意宜以公北将行録并附集中尤勝舉也行齊听然 闕七賦之四親公手蹟遂寫成足本行齊亦鈔完公集 子姓世居海鹽保有此卷半千餘年勿失近乃歸予宗 天台山繪圖作賦傳於家題雖分為七實一篇爾公之 日諾因具識之 人祈齊重為裝池珍襲之會予獲公松隱集四十卷顧 顯仁自東平登舟梓宫既還后居慈寧殿公力請祠居 仁章太后作也公以紹興十一年十月治行明年七月

大王日臣

卷風骨戍削當屬晚年家居時筆詩亦有陶靖節風味 趙文敏書偽本最多即有亂真者僅得其城始而已此 金好四周雪 諸君子曽有黨禁而兩公無之也今之作偽者動用粉 書家翠墨派傳於世者惟顏魯公趙魏公最多益蘇黃 記也 題云奉懿旨作當日宮聞猶知重文且留心蠶織旨可 跋趙魏公書 趙子昻書十二月織圖後 卷五十三

久三日臣 hits 其真矣是本波磔飛動對之異神為跋其尾 |殷雙鉤以眩人目雖云下真蹟一等翻不若摹拓之存 密後及宗集賢李昭文周景遠田師孟李惟肅皆北方 伯機以古瘦見長世所傳高閉千丈及張旭書大約多 能書家惜其書今罕傳矣伯機漁陽人居于浙予浙人 出其手也是册脫去狂怒之習平淡之中筆法最為謹 **元自趙子昻書法盛行一時相率習妍娟之體獨鮮于** 鮮于伯機草書千字文跋 曝書亭集

客漁陽題其書異哉 金好四月百里 跋陳子微書 卷五十三

寧極齊予家藏有詩一卷讀春秋編五卷此本當是子 吳人陳深字子微宋遺民入元以能書薦不出其居曰

微所書小印曰仲房者蕭山魏文靖公驥也 書張子宜墨蹟册

古人詩文不欲自露其才恒以澹泊見滋味於書法亦

審档則弗逞姿始故晉唐墨蹟勒諸石而彌工若

大己日臣 白生 馬星以遺楷索予題識予思先生以甘白自號詩筆 轉方域而子宜晚託跡於乘田委吏仕既不達名亦晦 詩所云坊存前哲號屋貯古人書者是也吳中書畫流 水郎即免官歸居朱樂圃舊里為四傑十友讌游之所 蹟相似子宜生元季早有鄉曲譽明初一舉秀才除都 裔孫星貯有小紙書五則頗與范文正所書伯夷頌手 趙吳興董華亭手書藏者爭詞為墨寶一摹勒上石乃 削色矣無他過於逞姿始也長洲張子宜不以書名其 際書字集

當時批咨尚多兹特共火後僅存者爾朝野相傳帝天 也其一遣代祀三皇廟一以皇妃逝科葬孝潔皇后陵 右德陵手勅三通先太傅文恪公在內閣時所奉批荅 估之何如 歸簡古書亦瘦硬通神星也試髮之石俾作書斷者更 命傳諭禮工二部造墳一安光宗帝后神主於太廟益 巧慧能手操斧鋸造輕車小屋萬幾不理以是威權 **悊皇帝御書跋** 

and and and details 大小之往来三勅似無關於治忽而天啓初終之政論 · 古不自帝出而朝士之禍烈矣然則否泰之反類由於 猶然逮先公及福清柴公先後去位中官始無忌憚詔 不矜不伐意在气休足以見先生之學力未嘗與人争 世者所當辨也 王子逸仲出陽明先生平浰賊後家書見示定亂之頃 下移今觀三勅書法雖不工未嘗假手司禮內監初政 跋王赐明先生家書 罪 書亭集

微先生則寧藩之變危及社稷靖難前事可為寒心乃 吳人伍袁萃倡邪說誣先生潛通叛藩曲學阿世之士 功能也顏世儒言性理以先生學術未純動加詆毀然 得患失克如先生功成不居第思乞休幾人哉覽先生 從而傳會之其亦不仁甚矣嗟嗟悲夫今之從政者患

崇禎十七載爰立作宰輔五十人國亡後存者尚多其

題十五完人墨蹟

家書可與感也

銀方四屋有電

卷五十三

維持以示于予請悉出笥中所藏復益以傅公冠張公 為正人所依歸即卷中九人皆見危授命者也公孫介 皇朝版圖之前皭然無洋當時幸免東市之禍晚節益 次足习事全等 卷後并閣老標題改稱十五完人墨寶謹拜手而書其 國維文公安之 彭公期生 沈公簡龍五先生手蹟裝池 終於江南未入 出處或殊居恒與世接欲求為完人難矣機山閣老考 眼者亭具

成殿上其遺蹟流傳世以為寶今高氏數公雖不盡以 予友高念祖一飯不忘其先 與之言非祖父之言勿道 王氏多工書至唐則天后索諸其裔方慶方慶集其先 於燕齊梯涉數千里必載以行其用心勤矣昔江左諸 二十八人之書以獻后命善書者鉤畫設九賔觀之武 也嘗集其先世手書裝潢成卷葢雖南游舒越西北入 高念祖先世遺墨跋 卷五十三

能書著俾傳諸子孫克盡如念祖之用心守以勿失馬

也夫 知不為後時所實念祖請予書其尾其以予言為可徵

之學其於佛氏之書非其專好乃頻有感於觀世音菩 生所述三쁑殆噩瘳而不失其正者歟先生窮究儒者 周禮占務有六曰正曰噩曰思曰寤曰喜曰懼若曹先

日神以知來知以藏往惟先生於佛氏之說寂然無動

**飲定四車全書** 那書亭 集

薩者何數豈畫之云為固當思道之而忽感於中數易

鈕萊翁夢記跋

也蓋誠之不可揜信有若記之所云者圖而傳馬可以 謙六益書稱計南陽子山公起相抗而能傾心下之既 順治初雲間幾社諸子多有存者後進領袖詩稱吳懋 帝一夢而百千年來師其説不敢異彼能入人夢寐而 於心斯能感而遂通其故其於鬼神之情狀宜無不知 誘之以善吁亦神矣哉 明吉凶憂患之故矣原佛氏之入中國其初感於漢明 書沈文恪公行書卷

`. - ] <u>i</u> **台入禁廷馬屏幛碑版** 貴延之下榻與之分財簽签之盟無間也 氣溢於紙墨間不易得也歲壬戌夏五月 天子重公書恒 人傳以為佳話是卷大半公手札雖非生平絕品而真 山於公前執而撻之公笑謝曰朋友之道當如是矣都 百番紙無厭倦色在邸舎御下以慈童僕或不受約子 回鄉部華布入都謀席研之地者公為作薦贖動費 職 きらき丁様

道會議 衮職無關公獨昌言三事一 . 日 起居注侍班天久不雨 駕在瀛臺予時 舒定四庫全書 湖 天子諭輔臣謂歲早時政必有闕失可同九卿詹事科 口關江湖之衝非商估停泊之所舟易覆溺宜仍徙 以聞因隨大學士後羅坐武英殿東南盈庭食 知 山海關滿洲差員當徹

九江為便一有司盜案處分過嚴以是諱盜者衆反為

挈其綱云公以能書聞海内者四十年是以沈度兄弟 為不可及追公沒後晉陵士子有代朝貴撰公墓碑者 大學士轉奏事雖不果行退與同僚言交歎仁者之勇 民害於時合班大臣奉怒視公雜以訴副而公不顧也 或致疑非公書也遂著姓以表之 人工可重 红 **適年以來廷臣以文恪易名者匪一人予慮後之覧者** 以族子遇之者故裝界日題以文恪公遺蹟而不著姓 目公矣卷為同知辰州府事平湖沈曍日融谷所藏公 **蝶窝车**集

部分四局全書 吾友慈溪姜西溟以古文辭馳譽江表書法亦通神老 書姜編修手書帖子後 卷五十三

當動其 罷試鄉闡西海怒不苦也生平不食豕無惡

而不遇用薦入史館食七品俸贈厥考為郎此孺人子

人食水一日子戲語之曰假有人注鄉貢進士榜蒸水

而不良者矣江都程子嵩亭風愛其書法查浦編修因 非馬肝也年七十果以第三人及第楚辭所云年既老 | 梓曰食之則以淡墨書子名子其食之乎西溟笑曰 钦定四庫全書 若慢詞至南宋始極其變以是語人人輒非笑獨宜與 瀏覽宋元詞集幾二百家竊謂南唐北宋惟小令為工 予少日不喜作詞中年始為之為之不已且好之因而 陳其年謂為爲論信夫同調之難也其年沒後子詞亦 缸面酒輕為人所賺也小長蘆八十翁朱彛尊書 以笥中册贈之觀其濃纖瘦硬靡不合度嵩亭幸無飲 不復多作及讀東田小令慢詞克無南北宋之長與予 書東田詞卷後 **収書亭集** 

意合子當行土風為鴛鴦湖權歌百首東田亦以吳苑 風景作望江南六十闋予詩修地志者見之緊填不録 草桑尊少日覩有容堂西無留有四櫝經亂盡失之既 先太傳通籍後未嘗引書記相助故生平疏牘皆自具 同賞擊也 而東田樂章有井水處無不歌之者惜其年早逝不獲 書先太傅奏疏尺牘卷後

而搜訪掇拾五十年裝界成六册書其後曰先公萬思

欽定四庫全書 當預國事利瑪實宜勒其歸國琉球遣使當仍依會典 公紀皆存朝廷大體即如尺牘草葉十九多與封疆大 差給事行人不可失信外蕃在政府日校鄒公元標王 中以禮部左侍郎掌本部尚書事清徳善聞是時朋黨 有覽藝尊跋尾知不誣其祖稍見先公立朝之大節馬 紛爭先公中立不倚惟力持讜議抗疏建儲追册立旨 臣論邊防絕不及私也 留此六册 貽我子孫庶幾他日 下出儀注於袖信宿而大典行他若劾鄭國泰外戚不 職君亭集

部左侍 益無忌憚狂 先務實錄未之載者殆史臣憚偽學之虛聲曲護其短 先公掌禮部尚書事覆疏干言要以去邪說正人心為 於 明 之云顾楊公上饒人諱時喬嘉靖心丑進士仕至吏 禪至萬思初南城羅維德拾禪宗之餘嗎感世誣民 自正徳以後講學者多師王伯安伯安諸弟子漸流 書先文恪公覆楊通政劾羅近溪疏後 郎贈尚書諡端潔 瀾不可遇矣楊公官南通政使上疏糾之

從吾同掌院事闢首善書院退朝講學府君訓工檢材 故情勞於其官朕甚嘉馬時吉水鄒公元標長安馮公 生除都察院照磨歷都事署經歷司天啓初授階修職 恍子府君治蹟而作也先大父以萬歷四十七年由官 與吳江周公宗建協力營造會轉後軍都督府經歷司 即華思勃曰先帝舊學於乃父治輔子沖人茲爾勾稽 忠貞服勞録一卷尋尊第八叔父芾園先生述先大父 **康島早** ţ

書忠貞服勞録後

莊烈皇帝御下聰察不時遣左右詞諸臣之疎懈杖闕 城被圍府君分守西直門破帽敝衣登陣與將士巡邏 獄乃封章自訟事得解補官進陷承德郎崇禎二年都 虧額宜下法司提問府君服除入都逆黨將逮府君入 史梁夢環阿其意章奶數十人誣府君協理馬政邊餉 主事奔太傅文恪公喪回籍歲丁卯魏忠賢擅權久三 都事進陷文林郎尋升太僕寺丞遷工部營繕清吏司 殿工未竣羅織不附已者坐贓鉅萬以濟將作於是御

對定四庫全書

基五十三

穀價恤獄囚絕争訟寬馬户之逋責釋棘婦之箠楚前 又明年出知雲南楚雄府事一介不取諸民招流民平 門守者皆華獨西直掃除蓋蔽宴如也明年轉員外郎 陰晴一日市華蒂千條錐帚各數百夜半雨霰交集八 八月而楚雄無枹鼓之警會聞母何太夫人計遂解印 息去自是詞者相傳不更訶責府君居京師善測北地 君貴公子將肆誅求及見所進止赤倉米臭魚而已歎 下草職者有之府君午飯門樓中使持令箭突至知府

世難 尤甚然應不沽名以是未顯於世藝尊仕不達幸遵祖 畝故徳陵諭葬文曰生且無居沒馬能葬至府君而貧 以宰輔歸里袍带嘗寄質庫中所遺府君止墓田七十 **德取陸續故事繪圖題曰鬱林石其謠曰清平太守一** 率私錢贈行府治百姓拒輪於道爭賦歌詩謠解以述 可謂身處脂膏不能自潤分萬里長路豈能步還乃各 **綬力不能具件楫巡按御史姜公思睿語寮來曰朱字** 百鳥有鳳鳳有鸞鬱林石所載也寒家自文恪公

欽定四庫全書

父之遺訓歸守墓田奉祭祀讀先生所著録因取録中 右五言詩一篇明崇楨戊辰先子於杭州西湖上觀毀 魏忠賢生祠作也凡四十有六韻先是河南道御史廣 未詳者書之授諸桂孫稻孫馬 州梁夢環羅織朝士之不附忠賢者先大夫皆官工部 先君子五言詩書後

環証奏下法司提問會思陵御極先大夫入都上疏自

**曝電亭**!

とこの重なる

營繕司主事以先太傅文恪公喪奔回籍尚未起後夢

訟獲免西湖毀祠之日正先子憂患之餘也逆祠之建 銀好四個月 始浙江巡撫桐城潘汝楨擇地於關壯繆出忠武雙廟 臨川曾國楨宣府則巡撫蒙陰秦士文南直隸蘇州 代州張鳳真房山則部曾何宗聖盧溝橋則工部主事 之間祠成開於朝賜額曰普德由是封疆大吏尤而效 御史合肥龔萃肅薊州則巡撫祀縣劉紹保定則巡撫 之清苑閻永泰巡撫順天總督薊遼保定等處軍務於 所部建魏瑞 祠七所天津則巡撫永城黄運泰長蘆則

次定四軍会馬 雲李燦然河南開封則巡撫大名郭增光巡按餘姓愈 之才山東濟寧則總督河道工部尚書南樂李從心德 書雞縣郭尚友徽州則知府祁縣頡鵬應天則指揮李 巡撫遂安毛一鷺巡按嶄州王瑛揚州則巡鹽御史崇 同 **H**4. 許其孝巡按前田宋楨漢淮安則總督漕運户部尚 興州曹爾楨巡按臨邑劉宏光河東則巡鹽御史縉 則巡撫魏縣王點代州五臺山則總督関中張横巡 則巡撫類川孝精白登州則巡撫祭河李嵩山西大 聯昌亭集 之

建祠尤多敷臣則保定侯梁世勛博平侯郭振明武清 蕃廬陵黄憲卿壽張王大年旌徳汪岩極平定張樞河 奇謨參政海寧周鏘祥符知縣泰與季寓庸陝西延綏 間智鉅府尹則陽城李春茂餘若主事張化愚上林監 侯李誠銘詞臣則族吉士大興李若琳臺臣則日照李 昌則巡撫慈豁姚宗文巡按東莞温皋謨至都城內外 則巡撫來無朱童蒙固原則巡撫武定史永安湖廣武 丞張 永祚爭先營建六街九衢祠宇相望有建於内城 卷五十

多り

D.

1.4.1

生陸萬齡以忠賢頒要典比於孔子作春秋忠賢殺楊 聖至神中乾坤而立極乃文乃武 同日月以長明每建 實充之髻空一穴簪以四時花朵其聚領之解有回至 望者眼耳口鼻手足究轉一如生人腸腑則以金玉珠 辟雅馳道也駕出土偶豈能起立乎偵者以告忠賢即 東街者於時工部郎餘姚葉憲祖私語人曰此天子幸 日削其籍祠以宏麗相尚无用琉璃像加冤服有沉檀 祠必以上聞問臣賴以駢語寝答尤悖逆者國子監 學馬丁果 <u>→</u>

憲毀周程朱子祠無奪澹量子 羽祠碎其像時思陵户 左周魏諸公比於孔子誅少正卯請建祠國學之右扁 助茂勛表勛鴻勛隆勛崇功元功報功雄功懷仁崇仁 瞻徳普徳彰徳顯徳崇徳隆徳成徳幸徳仰徳襃勛崇 恩隆思治思治恩廣恩留思港思懷徳昭徳懋德戴德 額口配聖會您皇帝宴駕乃止而江西巡撫益都楊邦 凡建祠者盡入逆案額名可記者有永思感思祝思瞻 Rp **除矣仍疏請建逆祠及忠賢誅諸祠悉為士民所毀** 

欽定四庫全書

卷五十三

惠隆禧永爱著爱餘難以悉數矣康熙巳未五月史局 たこうえん 允暨番緊蹶橋字爵伴聞者足以戒異尊職在國史敢 十月之交篇曰四國無政不用其良爰列皇父家伯仲 既開與同館諸君徴及舊事退而書於先子詩後小雅 隆仁存仁廣仁景仁故仁嘉献愁敬德馨徳芳留敬鴻 **靡授中書科中書舎人名注復社初集是歲八月初吉** 先子萬歷末補秀水縣學生天啓五年九月承先太傅 引小雅之義具書之未可因佐人之有後而隱其惡也 聯善卒集 킻

多好四母全 **뢪尊敬書** 題亡兒書陶靖節文 五十

康熙已卯三月從吳門借鈔雪山王氏紹陶録歸示亡

兒伏枕讀一 絕筆也昔知嘉賞死其父方 回哭之慟嘉賞門人出其 非寫論也病少問為笑將書此册自後不復能作書義 過作而曰少陵野老幾陷公未必能達道

所遺小箱皆與桓宣武往返密計方回乃不哭今見七

兒遺紙非古不道老淚何由得乾邪涂月八日竹坨汽

獨叟書 久已口巨白 蝶輸君輒免暇登解舎高處放之以為笑樂惜其未見 爾雅不釋蝶名六朝文士不作蝶賦蝶亦不幸矣其後 羅浮鳳子使知增城博羅二縣致羅浮蝶繭千百縱之 問長山王君此生知如專縣事酷愛蝶縣民有犯者龍 滕王湛然畫蝶下及菜花子村裏來皆為調鉛稅粉臨 謝無逸咏蝶多至三百首蝶又未當無知已也崇禎 書羅浮蝴蝶歌卷後 曝書亭集 Ŧ

萬花谷中不更愉快乎里中戴君索予父子書羅浮蝶 歌漫綴於後 金なでを 卒女告父母斬衰而哭請於舅姑撫叔之子為嗣誓死 不嫁由是鄰里戚懿交稱其賢聞於校官念於縣其兄 國子监生桐鄉金梁聘同縣戴氏女昏有期矣梁以疾 書戴貞女事

三鴉喪服傳年十九至十六為長鴉喪未成人者其文

公行人司行人樟請為文昭諸彤管或告朱叟曰禮有

てこり重 道也非過於禮者與應之曰女未昏而喪其夫禮有往 而見其舅姑則婦道也居其盧則妻道也撫其孤則母 **弔服不以主道予之明矣今戴氏之女猶未成婦赴哀** 六而成童國君十五而生子然則十五十六可以為成 乎丈夫冠而不為殤婦人笄而不為殤表準曰男子十 人矣準之言是也或又曰弔也者賔之禮也未昏而女 死壻齊衰弔馬夫死女斬衰弔馬所行者弔禮所服者 不終今梁年十七而夫則猶未成人也應之曰記不云 Litin 曝出序集

徳在定其志而已衛之共姜賦柏舟自誓其辭曰之死 尚女子亦然志既先定鬼神其依天且不違故欲恒其 試思人之境遇靡常馬知必遂其願應之曰士以志為 表門問益處貞不字者十年字也今戴女年南十七嗣 又必葬而後除之則與實不作矣且漢制婦人不貳斬 多分四月全書 也或又曰儀曹職掌民間寡婦五十以後不改節者旌 **弔之文凡弔者出即釋其服而女以斬衰乃妻之本服** 既服之以弔嫁而為後夫服是二斬也貞女義勿敢出

禁遷葬與嫁殤者故那原女沒不從魏武之命與倉舒 嫁殤議禮者似宜通其變馬奧耄矣不能俟貞女坊表 異室死則同穴以言未共牢而食者也戴女既殯於金 子將終身馬死可以合葬否與應之曰詩言之矣穀則 合葬今戴氏女未唇而哭其夫留事舅姑撫叔之子為 或又曰禮女未廟見而死歸葬於母氏之黨周官媒氏 矢靡它又云之死矢靡隱卒踐其言非前事可師也與 スこりを こう 則舅姑得葬其婦嗣既立則子職得葬其母事雖近於 聯魯亭集 直

銀灰匹庫全書 之年信其立志之專而特書其事 曝書亭集卷五十三 卷五十三

欽定四庫全書 康熙壬子春觀女史箴於江都汪氏絹雖剥落氣韻絕 大元司軍人的 偷惜止留其半男女老幼共二十八人象各異迹所謂 虎頭畫謝太傅謂自生人以來未有今世鮮有存者矣 跋十三 曝書亭集卷五十四 顧長康女史箴圖跋 聯書字具 翰林院檢討朱異尊撰

意存筆先畫盡意在者非與題識小字尤佳頗似大令 多只四周日章 谷孫侍郎齊生濟南人也子游濟南於長白山之陰拜 右軍云畫吾自畫書吾自書而虎頭亦克無之益信工 十三行出虎頭巳書也昔王世將書畫皆居第一故語 右王維所畫伏生上有宋思陵題字庚戌十月觀於退 畫者多善書昔賢之言不吾廷耳因勸汪翁含畫而雙 釼其字勒諸石 王維伏生圖跋

ここうしたい 若商山四皓初末聞講習經義傳之弟子則其年雖八 矣思秦之時諸生訟言封禪至有坑儒之禍生為秦博 或闕馬不修因數世人無知重生者益經學之不明久 生墓見其祠宇庫隘至不容筵几有司牲醪歲時之饗 於生而錫之年者百世之後宜師其人而識其貌馬維 教學齊魯老而益勤卒傳之鼂錯斯文未喪天若有意 十餘衣冠甚偉與土木何異生獨能於微言既絕之時 士得免其明哲有過人者及漢與隱士負一時之望莫 學書字見

對先生之容益悟維之貌生能入神也同觀者譚七舎 或見之觀是圖者不問知其為生此思陵所以實惜而 人兄吉恐舟石李十九秀才良年武曾 郵定四庫全書 有八循治尚書不輟所注禹貢洪範其發明經義甚詳 畫之尼也是圖之得歸孫氏非至幸與先生今年七十 後流傳於世藏之者非其人則觀者亦取非其人此書 親題之也世之法書善畫多秘之內府人既未得觀間 之所畫特想像為之而已然藝事既神其精思所感如 卷五十四

於索村梁相國今為漫堂宗公所藏主雖三易不墮奏 是圖庚戌冬觀於北平孫侍郎蟄室因政其尾既而歸 再題王維伏生圖

續録維所畫濟南伏生圖曾歸秘閣儲藏故宋元以來 會之買師為嚴惟中之手濟南生亦幸矣按中與館閣 題跋獨少宋公定為真蹟知孫梁二公賞鑒略同也 光武帝燎衣圖跋

職書字原

多施之門版屋壁歲久易毀至仙佛鬼怪世雖流傳又 元初明皇勒政圖治思古帝王肇造之縣萬幾餘暇道 禁為內教博士非有認不得盡論者謂其下筆有神然 多好四月有量 倩氏穆倩得之僧漸江漸江購之歙吳氏 子奉詔作此其後司馬承禎張果葉法善相繼被召而 非儒者所取故是圖最為難得圖之作未詳何年意開 浮屠之營建亦盛由是東都老子廟壁與地獄變相之 圖交出一藝之微亦隨世運升降可歎哉圖今歸程穆 卷五十四

|並列當是唐時酒令子止謂分四十類類各一詩今其 水陽一斜百隨而無釣者之具亦無釣人觀者多未析 按晁子止郡齊讀書志有釣鼇圖一 物也惜其下截破碎安得好手李仙丹後裝之 書不傳雖智者有所不知矣劉道醇稱怨先屋木樓觀 釣鼇圖一卷新安故家所藏籤題郭忠恕名卷中第 時之絕親其界畫泊無可疵圖有察司横印益内府 暴民 毕业 一卷與捉臥甕人格

跋釣鼇圖

多定四庫全書 望日臣李公麟畫十字上有宣和大小印圖卷末元人 觀於究平孫氏研山齊 後筆法娟妙匪特畫居絕品也題識殘闕止存年七月 李伯時九歌圖用澄心堂紙作每圖書三問大夫解於 嘉定陸元輔翼王永年申涵光亮孟嘉興譚吉璁舟石 題咏甚多康熙庚戍秋九月九日偕崑山顧炎武寕人 李龍眠九歌圖卷跋 景圖跋

遠而已不專寫瀟湘風土追元人形之歌咏其後自京 大己口事公时 是冊不知誰氏之筆而意主平遠不失員外之古見者 國以及州縣志靡不有八景存馬固哉世俗之可笑也 景凡八今人所仿瀟湘八景是也然當時作者意取平 朱度支員外郎宋迪工畫平遠山水其平生得意者為 康熙乙丑三月納蘭侍衛容岩購得李唐著色山水卷 勿定作瀟湘觀斯得之矣 題李唐長夏江寺圖 暖在亭桌

花有魂二語攝之此唯逃禪楊叟能寫出若煮石山農 邀予題鐵唐字晞古河陽人宣和中自直畫院南波後 訓按宋人著色山水多以思訓為宗益春山簿而秋山 陵所賞卷首題曰長夏江寺卷尾題曰李唐可比李思 朱三十五梅詞橫枝清瘦只 **疎惟夏山利用丹墨思陵比之思訓可謂知言也巳** 入臨安年已八十授待記觀其畫法古雅深厚宜為思 題楊補之墨梅 如無但空裏球花數點梅

金发四是人

老五十四

三友梅竹無多花紫而水仙獨繁然對之不異神仙水 趙子固水仙横幅觀於北平孫侍郎硯山廟記先子恒 **蟄室断水試謝道鰛研書** 钦定四庫全書 ~ 侍郎所當有楊補之墨梅顧定之墨竹與是卷稱歳寒 衝要非逃禪學意中景矣歲在丁未冬坐孫侍郎退翁 言世多贗本其真蹟有九十三莝者最佳今數之果然 與酣落筆便與少陵亂揀繁花照晴昊句相似愁眼雖 書暴齊趙氏水仙花卷 · 香亭集

絶翁屬書蘇和仲賦於後し酉夏始以八分書而歸之 元吉圖青菜鼠狼此外派傳益寡康熙甲申暢月偶集 雪之容正樂府詩所云寂寥抱冬心者也 兼欲題詩其上未果也 小滄浪亭西陂放鴨翁出錢舜舉鼯鼠圖見示歎其工 天下最堪憎者莫鼠若矣畫家惟邊鸞圖石榴猴鼠易 題趙子昻鵲華秋色圖 錢舜舉龍鼠圖跋

侍衛容岩之渌水亭 其原出於松雪把玩是卷良然康熙甲子冬觀於納崩 華亭董尚書愛而屢題之予當聞畫家論文徴仲畫謂 鹊華秋色圖卷元貞元年吳與趙王孫罷守齊州歸為 飲定四車全書 注一峰特立而推山附之對此益信鄰善長單椒秀澤 周公謹作用丹墨淡著色糸合王右丞董北苑法華不 語之善形容也卷有楊仲弘范德機虞伯生三公跋 題趙子昂水村圖 明書車集 ł

裝成軸矣一時信手塗抹乃過辱珍重如此極令人慚 寫之且用水墨洵神品也 題云大德六年十一月望日 矣水村即今之分湖明宣徳中析嘉興一府為縣七遂 子題鐵留之匝月卷還未幾容若奄逝真蹟不後可覩 媤巻末題咏者四十八人歳在し丑三月納蘭容若屬 為錢德釣作又自識云後一月德鈞持此圖見示則 趙王孫畫山水用絹索設色者多獨水村圖橫幅以 紙

隸嘉善後之修地志者不載此事因撮其大略書之

大三日日日本 題長歌於圖後書法亦工用董旭私印印詩之簡端派 元會稽董旭遂初江山偉觀圖以金焦二山畫之紙背 曾為秘書監典簿也 真蹟世惟見圖繪質鑑稱其官漕運千户不知延祐初 界畫最工恒綴花籬架果於臺榭之下是幅雖小葢其 永嘉王振鵬朋梅以畫受知元仁宗賜號孤雲處士其 題王孤雲蒲萄庭榭小幅 題江山偉觀圖 學書字集

多好四屋有量 予留的慶僧寺此卷為姚氏收藏物予爱旭長歌高聳 上舎見而不忍釋手姚氏之子謂曰子欲得之跋者人 奔逸借抄寄顧孝廉俠君選入元詩今年春我宗祈齊 偉觀四篆字鈎畫竒古不識何人所書 初私印印詩之尾同時題識者三十一人憶歲在辛口 四學士經術文章冠於元代百世而下瞻其畫像如開 一金遂以白金二斤易之亦稱好事也已卷首江山 題元四學士畫像

警咳矣蘇昌龄書法入妙通神品在宋仲温朱孟辯之 人といりましたう 寶靈通 卷內有凌晏如私印晏如湖州人以書受知長陵官至 近惟歐陽原功卒於丁酉故云按畫家繪象存者止圖 **僉都御史是卷向藏南陽村莊吕氏今無鄙以授予壻** 半體没者乃寫全身然則歐陽原功亦歿後續繪者也 |政稱悵然有存殁之感者至正甲午吳虞掲三公倶 書顧定之墨竹

樓以非肉食者所好故子姓猶保之 竹風流只數顧祭軍心賞不謬矣是軸藏季太僕寫山 之名安淮東人元統間任為龍嚴都巡轉毗陵錄判歷 禁或失則繁又雜以草書題識覺少者未始不貴也定 泉州路判官自號石屋老人郯九戍詩吳下幾人能畫 洗娟娟娟人同時畫竹羣推吳仲圭然尺幅中交柯接 金好四月全書 **顧定之墨竹一本下無土石抽梢直上對之若新雨乍** 跋李紫篔畫卷

日必有諸公贈言跋尾惜為人割去然鄭人買情還珠 紫貧晚居殿山湖畔故吳郡尤存以仁贈以詩云積玉 珠固在庸何傷丁玄夏五日北至小長蘆朱輕尊書 逢山識者謂其原出王維也今藏孫上舎洪九家意當 主祭霞外而作松竹清疎峰嵐渲以焦墨澹抹赢青作 也生源梁人善寫竹石無工平逐山水斯卷送沖真觀 畫家好手元時特多略見圖繪寶鑑紫賞生李弁其

三次定四軍会書

**赚書亭集** 

此歸之俾釆入卷中八十翁孁尊又跋 其墨竹以之雕刻屏風云爾洪九方排纂書畫譜復題 詩云謫仙今住五茸西大泖當門鱸正肥其居有白雲 順治十有七年冬十一月朔寓山陰之箪醪河飲於萊 題其墨本竹枝云刻雕妙入神餘情寄//始時人重 **牕東維子賦詩贈之今其遺跡無存失慈谿黄玠伯成** 黄子久浮嵐暖翠圖

谿頭水拍天草堂只在 澱山前雲間錢元方彦直贈以

吃書 大三日日本 仁和陳晉明康侯吳江葉燮星期同觀秀水朱孁尊錫 日南昌王猷定於一長洲宋實類既庭金擅縣起虎臣 而曷法嚴整神韻深厚反勝少壯時此全乎天者已是 尺廣三尺樹木之秀挺山石之說異恍如坐我富春江 醉解公出黄子久浮嵐暖翠圖示客以當解酲圖高六 陽宋公之解斟隗哪宫緑瓷琖勸客蒸菜雞為饌客以 上渾忘身之在官舎也畫額題識子久時年八十有三 雕書事集

書王叔明畫舊事 19

若下筆作草書全不修飾而結束入細華亭董尚書大 適見之許以錢三十緍挂於寓居之壁觀其勾皴之法 京 官窑軸子堅栗如王留之旬日囊空羞澀終無以應俄 書具額云天下第一王叔明畫其裝護亦精用粉綠色 而棠村梁尚書以白金五鎰購之神物化去見之魂夢 師故家有藏黄鶴山樵畫者俾縫人持以售諸市子

不可弭忘也尚書以宰相歸里聞其身後墨寶散失偶

**战在甲辰九月從京師入雲中同里曹公官山西按察** 跋師子林書畫册

副使舍子萬物同春亭暇出徐賁幼文師子林畫冊見 蘭若以居其師者也峰曰師子曰含暉曰吐月橋曰小 示師子林者元至正二年僧維則之門人鑿池壘石築

梅 ここうこ 曰指柏池曰玉鑑井曰氷壺當時留題八子高於 1.1.1

眼書字集

虹窩曰禪窩谷曰竹谷堂曰立雪室曰卧雲問曰問

多次四库全書 伸簡陶琛吞行僧道衍斯道而茲册惟斯道用小楷書 其詩諸公不與馬考師林 初建朱徳潤澤民圖之趙元 季迪張適子宜王行止仲謝徵玄懿申屠衡仲權張簡 善長倪墳元鎮商推續圖之幼文寫此册在洪武七年 吾鄉孫簡肅公治家以嚴子弟侍立暑不去衣然其教 三月自言用圖寫意初不較其形似益欲別開生面不 同乎朱趙倪三子爾 書孫氏同爨會圖後 卷五十四

時時相聚讒何由生今養展子弟往往晝居於內兄弟 大こり しょう 之雖百世可已公裔孫某出示予因跋其後歸之弁著 飫而不愆其儀讌集之頻而勿傷於侈賢子孫循而行 無幾相見此護柄所由階也若盡如孫氏六公飲酒之 事矣公嘗誠諸子曰家人睽離心起於婦人但得兄弟 其後裝池為卷孝友之語充溢丈幅之中可謂天倫樂 詩家居為同爨會三日一集集必有詩列圖於前聚詩 初學飯後必散步歌詩以吟咏性情故其子六人皆善 場名平原

金好四月有量 酉以後書畫未儘者盡散人間近日士大夫好古其家 於禾 録馬 斬貧或旋 購旋去之大率歸非其人矣噫非其人而厚 家與項氏世為婚姻所謂天賴閣者少日屢登馬し 項子京畫卷跋 卷五十四

藏書畫之厄終歸於爐而已黄山程穆倩家最貧嗜古

尤癖書畫歸之幸矣惜乎價盈千百者力又不能購也

子京之畫世人知之者罕程子獨加珍惜俾予跋尾夫

嘉與妓薛素素小字潤娘行五人稱其有十能詩書琴 程子且然况生同里而數過其廬如子者那 弈簫而馳馬走索射彈尤絕技也予見其手寫水墨大 題薛素素畫册

士甚工董尚書未第日授書未中見而愛之為作小指

心經無題以跋至山水蘭竹下筆迅埽無不愈態入神

飲定四車全書

見:五字集

彈碎於空中又置一彈於地以左手持弓向後以右手

開在京師挾彈走馬能以兩彈九先後發使後彈擊前

從背上反引其弓以擊地下之彈百不失一當置彈於 挟彈戲結束單衫聊一試微經紅袖袒半輔側度雲蒙 却應手欲發未停偏有致范夫人贈詩云重開别院貯 引雙臂侍兒拈丸著髮端回身中之丸並墜言遲更疾 小婢額上彈去而婢不知江都陸無從歌云酒酣請為

**象傳入蠻洞酉陽彭宣慰深慕之費金錢無算致之不** 

靈去尋為李征蠻所嬖又當侍沈孝廉景倩巾櫛其畫

文君寶絡千金換翠裙非雨非雲香滿路前身應是蘇

道子朱繇傳地獄變相其後貌鬼子鬼母鍾馗小妹不 移家具散走者質變臂指各異情狀怪疑昏鬼也自吳 許旌陽移居圖究平崔秀才道母所畫橫幅丈餘圖中 得也 其人至宋龔高士開專以思物見長觀其骨象稱劣 所狀略殊然先民後賢寄託之情一 不歡茲圖為神仙移居故口無哆張目無很視較 許旌陽移居圖跋 也詩言之莫赤

欽定四庫全書

展1五十四縣

使者翻不若旌陽令之使鬼鬼忘其勞馬道母繪此得 匪孤莫黑匪烏高士益有深慨於中寄之筆墨者崇禎 門戶買棺彼時思陵命將出師輦下臣民無一足供驅 之季有鬼白晝入市用紙錢交易死者魂未離散叩人 於雲門舟中 毋寄託在是與道母初名丹晚更名子忠別字青蚓國 亡走入土 窟 中死圖今藏萊陽宋氏順治庚子冬觀 題趙淑人宮門待漏圖

成許外命婦入内明元旦冬至后御坤寧殿中使引命 寅二十孝節皇后生辰詔命婦入賀舊典久不行矣多 鞠衣展衣縁衣素紗其笄纜其屢黄漢制則服蠶衣唐 婦各服其服行禮其後改於仁智殿崇禎七年三月甲 外命婦入朝或於光順門或於肅章門宋元節序慶賀 稱疾不至詣大内者僅五十有三人步入西華門拜於 抵皇后因而傳寫者也按命婦朝女君見於周禮其服 右曹門持滿圖先伯祖此趙淑人朝孝節烈皇后孝良 刦

就位者一百六十有八人十年三月丁卯八日後朝中 欽定四庫全書 宮於隆道閣仍自西華門步入就位行禮者一百八十 年十月已五孝哀皇后生辰朝於慈寧宫步入東華門 殿下懿旨傳賜鮮果帝詰責禮部以人寡不成禮迨七 復賜茶於思善門於是淑人朝女君者三矣其初先伯 貌莊稱象服厰隨賜銀豆鮮果經別殿神宗皇貴妃劉 禮后語周夫人曰諸命婦骨相多福薄惟朱侍即妻容 人嘉定伯周奎夫人亦與馬拜畢周夫人進宮行家人 卷五十四

裁太監王永壽奔告於帝曰懿安皇后業自經矣帝乃 克相隨泉下茲含處而死爾子孫喪務從儉毋受貴人 臂曰老婦五膺封語三朝中宫甲申之後先后質天未 世祖章皇帝實録越二年淑人以病終將然得手書於 起赴煤山殉社稷孝節皇后亦殂是歲五月孝良皇后 祔徳陵孝節皇后祔思陵大書於 郎既卒贈尚書十七年春京師陷思陵傳古後宮令自 祖方任大理寺卿再入時遷刑部右侍郎三入轉左侍

展書亭集卷五十四 
--------------